



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 04-11-22-1480-16/20 – BA/SA

Tuzla, 15.01.2021. godine

U skladu sa Odlukom o poništavanju dokumenata i akata usvojenih na sjednici Vlade Tuzlanskog kantona održanoj dana 31.12.2020. godine broj: 02/1-04-521/21 od 14.01.2021. godine i članom 12. Statuta Zavoda zdravstvenog osiguranja Tuzlanskog kantona ("Službene novine TK", broj: 4/16), donosi se

O D L U K A

o poništenju postupka ugovaranja zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona za 2021. godinu

Član 1.

Ovom Odlukom poništava se postupak ugovaranja zdravstvene zaštite iz obaveznog zdravstvenog osiguranja za osigurana lica Zavoda zdravstvenog osiguranja Tuzlanskog kantona i lica kojima je po drugom osnovu dato pravo na korištenje zdravstvene zaštite za 2021. godinu i Javni pozivi koji su objavljeni u skladu sa Odlukom o pokretanju postupka ugovaranja zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona za 2021. godinu broj: 04-11-22-1480-1/20 – BA/SA od 31.12.2020. godine.

Član 2.

Odluka stupa na snagu danom donošenja.

Dostavljeno:

1. web stranica Zavoda
2. svim učesnicima u postupku (putem e-maila)
3. a/a



DIREKTOR

Denis Husić

mr. Denis Husić, dipl. pravnik

OBRAZLOŽENJE

Postupak ugovaranja zdravstvene zaštite iz obaveznog zdravstvenog osiguranja za osigurana lica Zavoda zdravstvenog osiguranja Tuzlanskog kantona i lica kojima je po drugom osnovu dato pravo na korištenje zdravstvene zaštite za 2021. godinu je pokrenut u skladu sa Odlukom o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona i načinu organizovanja i finansiranja zdravstvene zaštite iz obaveznog zdravstvenog osiguranja za 2021. godinu broj: 02/1-33-28232/20 od 25.12.2020. godine, a na osnovu finansijskih sredstava utvrđenih Finansijskim planom Zavoda zdravstvenog osiguranja Tuzlanskog kantona za 2021. godinu (u daljem tekstu: Finansijski plan Zavoda).

Finansijski plan Zavoda je, na osnovu prethodne saglasnosti Ministarstva zdravstva Tuzlanskog kantona broj: 13/1-33-27097/20 od 04.12.2020. godine, usvojen od strane Upravnog odbora na sjednici koja je održana 09.12.2020. godine i upućen u dalju proceduru u skladu sa Zakonom o budžetima u FBiH („Službene novine FBiH“, broj 102/13, 9/14, 13/14, 8/15, 9/15, 102/15, 104/16, 5/18, 11/19 i 99/19).

Na sjednici Vlade Tuzlanskog kantona održanoj dana 15.12.2020. godine donesen je Zaključak broj: 02/1-33-27405-1/20 kojim se prihvata Finansijski plan Zavoda te da će se isti uputiti Skupštini Tuzlanskog kantona na razmatranje i davanje saglasnosti.

Dana 24.12.2020. godine, sazvana je 33. sjednica Skupštine Tuzlanskog kantona hitnog karaktera koja je trebala da se održi 28.12.2020. godine, sa dnevnim redom koji između ostalog sadrži tačku: „Razmatranje prijedloga i donošenje Odluke o davanju saglasnosti na Finansijski planom Zavoda zdravstvenog osiguranja Tuzlanskog kantona za 2021. godinu“. Navedena sjednica nije održana zbog neusvajanja dnevnog reda.

Dana 29.12.2020. godine sazvana je 34. sjednica Skupštine Tuzlanskog kantona hitnog karaktera koja je trebala da se održi 31.12.2020. godine, u 10:00 sati sa dnevnim redom koji između ostalog sadrži tačku: „Razmatranje prijedloga i donošenje Odluke o davanju saglasnosti na Finansijski planom Zavoda zdravstvenog osiguranja Tuzlanskog kantona za 2021. godinu“. Navedena sjednica nije održana.

Vlada Tuzlanskog kantona je na sjednici održanoj 31.12.2020. godine (sa početkom u 15:00) donijela Zaključak broj: 02/1-04-44456/20 kojim se konstatuje nastupanje vanrednih prilika iz člana 45. Ustava Tuzlanskog kantona, iz čega proizilazi ovlaštenje i obaveza Vlade Tuzlanskog kantona na donošenje propisa/akata od vitalnog značaja za Kanton a iz nadležnosti Skupštine Tuzlanskog kantona. Na istoj sjednici je donesena Odluka broj: 02/1-11-28882/20 kojom se daje saglasnost na Finansijski plan Zavoda. Tačkom 3. navedene odluke je utvrđeno da će Vlada Tuzlanskog kantona odmah po prestanku okolnosti zbog kojih Skupština Tuzlanskog kantona nije mogla zasjedati podnijeti Skupštini Tuzlanskog kantona na potvrđivanje Odluku o davanju saglasnosti na Finansijski plan Zavoda.

U skladu sa navedenim direktor Zavoda je na osnovu prethodne saglasnosti Ministarstva zdravstva Tuzlanskog kantona broj: 13/1-33-28575/20 od 31.12.2020. godine, donio Odluku o pokretanju postupka ugovaranja zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona za 2021. godinu broj: 04-11-22-1480-1/20 – BA/SA od 31.12.2020. godine, a zatim objavio Javne pozive za dodjelu ugovora.

Na sjednici Vlade Tuzlanskog kantona održanoj 14.01.2021. godine donesena je Odluka o poništavanju dokumenata i akata usvojenih na sjednici Vlade Tuzlanskog kantona održanoj dana 31.12.2020. godine kojom se, između ostalog, poništava Odluka o davanju saglasnosti na Finansijski plan Zavoda zdravstvenog osiguranja Tuzlanskog kantona za 2021. godinu broj: 02/1-11-28882/20 od 31.12.2020. godine i ista ne proizvodi nikakvo pravno dejstvo.

Na osnovu navedenog donesena je Odluka o poništenju postupka ugovaranja zdravstvene zaštite iz obaveznog zdravstvenog osiguranja za osigurana lica sa područja Tuzlanskog kantona za 2021. godinu.